



REGIONE AUTONOMA DELLA SARDEGNA

DELIBERAZIONE N. 15/13 DE SU 11.3.2008

Ogetu: Determinu de su calendàriu iscolàsticu pro s'annualidade 2008/2009 in sa Regione Sàrdigna

S'Assessora de s'Istruzione Pùblica, Benes Culturales, Informatzione, Ispetàculu e Isport, bidu s'art. 74 - Calendàriu Iscolàsticu pro sas iscolas de ogni òrdine e gradu - de su decretu legislativu 16 aprile 1994, n. 297 chi apostivigat chi a s'acumprimentu de sas letziones siant assignadas non prus pagu de 200 dies;

bidu s'art. 21 de sa lege 15 martzu 1997, n. 59;

bidu su D.P.R. 8 martzu 1999, n. 275 - Regulamentu chi detat normas in matèria de autonomia de sas istituzione iscolàsticas;

bidu su decretu legislativu 17 aprile 2001, n. 234;

bidu s'art. 72, comma 1, lett. d), de sa lege regionale 12.06.2006, n. 9;

iscumproada s'esigèntzia de providire a sa formatzione de su calendàriu pro s'annu iscolàsticu 2008/2009, a fines de garantire sa programmatzione de sas istituzione iscolàsticas, chi, pro cantu atenet s'autonomia issoro, lu podent cunformare a esigèntzias ispetzificas didàticas e territoriales, e pro permitere a sos entes locales de organizzare sa frunidura de sos servìtzios de cumpetèntzia;

proponet chi:

- sas letziones apant inghitzu su 15 cabudanni 2008 e, petzi pro s'iscola primàrgia e segundària de I e II gradu, acabent su 10 làmpadas 2009. In s'annu iscolàsticu 2008/2009 sunt pro custu etotu prevididas, a manera cumplessiva, n. 204 dies de letzione;

- sas atividades educativas in s'iscola de s'infàntzia e sas atividades didàticas, includidos sos iscrutinios e de sos esàmenes in s'iscola primàrgia e segundària, acabent su 30 làmpadas 2009.

Podent acabare in die imbeniente a su 30 làmpadas 2009 sas atividades acumpridas in sas classes interessadas a sos esàmenes de Istadu conclusivos de sos cursos de istùdios de istrutzione secundària de II gradu; in sas classes de sos institutos professionali de Istadu chi acumprint atividades programmadas chi atenet a s'àrea de professionalizatzione; in sas classes de sos institutos tècnicos e professionali chi incarrerant sos pitzinnos in caminos formativos modulares destinados a pessones de edade majore e pro su chi atenet a progetos ispetzìficos punnados a s'educatzione de sas pessones de edade majore organizadas dae sos Tzentros territoriales permanentes.

Adatamentos dàbiles podent pertocare sa die de inghitzu de sas letziones, una programmatzione diferente de sas bagantzas de Pasca de Nadale e de Pasca Manna e sa suspensione, in su cursu de s'annu iscolàsticu, de sas atividades educativas o didàticas si in casu mai iscumproadas funtzionales a s'acumprimentu mègius de s'oferta formativa, apostivighende modalidades e tempos de recùperu in àteros periodos de s'annu pro assicurare su chitimentu de sas atividades non achipidas.

Pro cantu pertocat sa die de su 28 abriale 2009, die intregada dae sa Regione a "Sa die de sa Sardigna", est providida, in via ordinària, sa suspensione de sas atividades didàticas; nointames custu si lassat facultade a sas istitutziones autònomas singulas de derogare dae custu disponimentu disinnende finas in custa die s'acumprimentu de atividades didàticas si sos alunnos non depant partetzipare a iniziativa ispetzìficas tzelebrativas de sa ricurrèntzia promòvidas dae s'istitutzione matessi o dae àteras istitutziones.

A fines de pònner in pare sas esigèntzias de sas familias e de sos Entes Locales cun cuddas de sas istitutziones iscolàsticas, in su respetu de autònomia pare-pare, est netzessàriu chi sos adatamentos siant programmados, pro assicurare unu tratamentu uguale cantu prus pèrpere, a livellu comunale o provintziale. Sos adatamentos depent èssere comunicados a sos Entes Locales obligados a s'organizatzione de sos servìtzios de amparu intro su 30 làmpadas 2008.

Duncas, s'Assessora sutaponet a s'aprovatzione de sa Giunta regionale sa proposta de su calendàriu iscolàsticu pro s'annu iscolàsticu 2008-2009 gasi comente si podet lèghere in s'allegadu de custa deliberatzione.

Sa Giunta regionale, pustis de àere intesu sa proposta de s'Assessore de s'Istrutzione Pùblica, Benes Culturales, Informatzione, Ispetàculu e Isport, achiridu su parre de legitimidade de su Direttore Generale de s'Istrutzione Pùblica

DELÌBERAT

- de aprovare su calendàriu pro s'annu iscolàsticu 2008/2009 pro sa Regione Sardigna segundu s'allegadu a custu deliberatzione e de nde trasmitere còpia a sa Direzione Generale de s'Ufitziu Iscolàsticu Regionale pro sa Sardigna pro sos acumprimentos de cumpetèntzia sua.

Su Direttore Generale
Fulvio Dettori

Su Presidente
Renato Soru